

四庫全書

集部

欽定四庫全書

石倉歷代詩選卷二百八十四

明 曹學佺 編

明詩初集四

魏觀

建息溪漲大作

久雨逢戊晴戊日雨不止羽氣淒乘宮土德淪不紀
晦陰晦凝四野連蓄水絕壁洄衝波玄林渺中沚下上

鷗鷺馴沈浮蜃蛟喜田廬聚岑阿漁艇繫桑梓官租欲
誰徵軍乏且無已爰輟昏墊情因寃疏濬理悠悠古聖
人惟日思復起

大同江口舍舟而塗抵樊昌四十里紀實

扁舟畏風濤上馬遵大路馬喜大路平騫然欲馳驚手
疲兩足痛縱逸恐顛仆呼奴執其轡控馭使徐步前村
望烟火稍遠得農扈蔬笋魚可求午膳爰不誤少頃聞
病翁叫出蓬首婦婦出拜且言窮苦日難度夫遠充民

兵兒小當遮舖翁病經半年寒餒缺調護軍需未離門
活計不成作荒山要收絲荒畝要輸賦誅求里長急責
罰官府怒近來點弓兵拘貧放權富迫併多逃亡蒼黃
互號愬左右三五家春深失耕務紛紜下牌帖勾捉猶
未杜所言盡真悉俾我心駭怖茲行事咨詢拯恤懼遲
暮州縣嗟匪才瑣屑誠可惡喪亂民瘼深君王重憂顧
所以諭旨勤赤心相託付民為邦之本綏撫在完固胡
為重剝上德阻宣布明當抗封章為爾除巨蠹

東流縣

東流古名邑渺在江之干民居苦蕭條官舍亦苟完廡
陋紛草茅垣周翳榛菅棗植行疎疎槐陰鬱團團覲此
餘物清盍展規撫寬丞無兩松哦令乏五柳歡簿則頎
而長或謂栖枳鸞咨詢我初來偶滯風雨寒坐彼容膝
軒徐徐散憂端龍鍾數耆翁再拜陳肺肝小縣喪亂餘
人烟重凋殘百一雖幸存門孤戶仍單老者困以衰弱
者傷以孱况復差役頻斯湏未遑安賴有父母慈桑麻

慰盤桓撫字皆得人昭蘇固無難
援筆題此詩考績時
取看

留別劉貢士汝弼

銜兄我知己待我終不薄
榮辱由外來相看一如昨
茲誠古人度亦固君子學明珠
媚深淵芳蘭華幽壑瑜然
天地間立志迥超卓
斯文論骨肉緩急真可託
自我來水西顧問每勤恪
報謝終未遑夕息還早作
心馳跡拘綴竟爾成闕略
苟以人事言簡慢深有忤
所恃惟久要

胸次多豁落臨風重沾衣緘情送歸鶴

桃源縣送顏以仁回鼎城

層阿遞流雲繁樹散初旭之子送我來我送之子復既
上辰州船猶聞武陵曲江空歲云暮離思泣盈掬征鴻
落寒音微波汎晴渌悠悠負芳辰耿耿企暘谷臨分致
深情炯若佩瓊玉人生重天倫朋友非外屬渺予尚真
率虛偽悲世俗采采湘浦蘭猗猗鼎城竹行將往從之
一浣延覽矚

次韻吳子祥溪行有懷吾蒲而作

絕似幽栖處柴門瞰竹墟未能忘志遂且遣病眸舒
上邀黃耆花前煮白魚近來兒姪輩此樂定何如

又

嵐光開翠嶠旭影動晴墟送客蒹邊去孤帆柳外舒
雲初度鶴溪雨忽沈魚自得幽居趣諸公恐未如

次韻陳廉使見寄

三月紛紛雨曾無兩日晴旅懷常寂寞佳節負清明野

樹暮雲合山溪春水平彭郎有音信處處避回兵

寧國溪上

青山如舊識迢遞送行舟故里一丘樂歸心千疊愁樹
腰紅日轉沙尾白雲流李郭多仙氣飄飄想並遊

又

野老歌仍和篙師去復留水花凝鶴渚山翠落漁舟竹
徑歸黃犢柴門度白鷗二劉多好况杯酒共綢繆

關縣尹

襄人齊拍手官政喜清和竹樹烟光合花封春意多山
中無吏跡江上有漁歌偃室如招士龐公試一過

遂安舟中

溪徑斜斜入柴門側側開一牛臨水立雙鴨避舟迴病
眼青山豁歸心白髮催何因蕪浦上野老共傳杯

其二

雲碓波滄沒村船岸繫高樹根懸野草石罅散溪毛到
處幽懷適都忘遠涉勞雙飛憐白鳥翠嶂繞能遭

其三

水分蕪浦綠山擁遂河流有似雙溪澗重乘一葉舟能
詩驚後進覽俗景前修今夕宜三友清樽對月浮

夜宿新河口二首

舟人勞暫息艤棹近柴扉月過漁舟迥星流鶴渚微愁
心千緒集歸計十年違只有貧如故秋深尚葛衣

又

舟定詢兒女徐行却在前三折歸真偶爾異處復悽然卷

幔穿蓬繫篝燈插竹懸夜深猶不寐枕上計年年

都昌懷舊隱

契濶風雲會棲遲道路長老來為逐客春至想還鄉酒
醒天連屋詩成草滿塘家聲尚清白世態謾炎涼

其二

黨里烏巾集鄰翁古意淳瓶罌隨野俗耕稼及清晨故
物青氈在寒山白屋貧為傳宗有譜長使旅情親

其三

茅屋雲猶在桃源世已非
漁樵能有約鴻雁尚知歸
霜露春秋感風塵造化機
松楸千里外幾度倚柴扉

望廬山

峻極長相望閒厓好養恬
松巢思李白菊徑擬陶潛
秀色雲千仞秋光雨一簾
漁樵與麋鹿于我定無嫌

望柴桑

何處柴桑里當年靖節家
五株門外柳九日徑邊花
已草歸田賦難乘下澤車
故山塵漠漠極目送昏鴉

黃坡縣感懷

狄人城邊芳草多
君王立馬高高坡
將軍射雉城頭上
回首天涯勞遠望
湖天雨過泥水深
水深溪路嗟難尋
歸來西陵日當午
惟有青山在樽俎

江上

青山籠籠江雨濕
江上行舟追不及
七百里內風物多
十三磯頭水流急
平生不畏風濤驚
此行但覺能傷情
可緣世道險於此
無人攬轡思澄清
釣天洞庭渺何許

雲際依稀見烟樹推蓬正儼和漁歌白鳥雙飛過船去
鄭國公常茂等授經大本堂

鄭國靳侯弟子羣儲闡時得奉殷勤宮花細浥研朱露
禁柳微濺灑墨雲御氣日從雙闕望書聲時徹九重聞
楚王可是推仁愛臨帖常容半席分

贈襄陽楊守將

曾扈鑿輿上玉京更持武節定西兵繡裳日射麒麟閣
玉帳雲寒驃騎營竹樹晴烟浮楚甸柳花春雨隔樊城

羣兒拍手襄陽道應為將軍播頌聲

襄陽趙太守

下車人說使君明書罷黃堂逸興生烏度春陰歸漢甸
江含雲影護襄城竹間題壁知僧姓花下看碑識吏情
聖代民和推妙選御屏高處列芳名

避地純濱偶成

雲扉俯瞰蕞湖濱風景迥隔蘄陽塵青蟲懸絲不到地
黃鳥蹴花時近人酒為得歡當樂飲客雖非伴且相親

朝來羣小說吾舅二老至今仍皂巾

離壽昌縣

溪上徐徐上小舟滿前風物眩吟眸鳥迴曲徑衝花落
浪激層灘觸石流貫網有魚供午饌罄瓶無酒破春愁
沿河處處嘉山水恰似吾蒲舊日遊

復用前韻答汪匪掾郎

沙頭白叟送行舟舟上青山豁病眸一葦載雲歸晚漱
百花吹雨入春流情深湘瑟方凝夢聲婉吳歌復送愁

賴有良朋解知己不時呼酒話同遊

留題明因寺

石磴迢迢帶夕曛松房初啟妙香焚
窻前峭壁懸青雨屋上流泉繞白雲
山翠濕衣僧未覺巖花落帽客先聞
田家見說來修祀鈴磬宣經至夜分

壽昌道中

野寺吟詩興未闌徐徐驄馬出松關
村原窈窕通幽徑林壑依稀似故山
鷗泛曉溪雲碓靜犢眠春隴雨犁間

田家老稚相迎望，應笑征夫兩鬢斑。

題遂安童氏清遠池亭二首

風軒月榭迥無塵，池上新亭更可人。
數點落花青嶂雨，四時流水碧桃春。
石梁把釣兒嬉慣，山徑攜詩客過頻。
世道只今優暇少，偶然琴鶴且相親。

迢遞山行喜見君，留連清遠意殊勤。
松扉近挹橋邊翠，花島平分水上雲。
入饌白魚雙尾出，隔窻黃鳥數聲聞。
碧崖却憶蕪溪上，竹月山泉慰夕昕。

次韻遂安諸生洪說

彼美諸生偶見親芙蓉秋水夏無塵氣分金紫三峰秀
詩發琴清五柳春詠月花前鶻到耳看雲松下鶴隨身
老來才力嗟遲暮愛爾書香不乏人

到三山馬汝舟家在常德欲託附書與李泰適
安

蕭蕭驄馬想三山遊子相逢一破顏楊柳春風官舍靜
桃花流水釣舟閒棘端最險猴猶立華表雖遙鶴欲還

早晚寫書求附汝鼎城千里寄柴關

送陳秀才憲

器識曾為遠大期論交猶愧獎成遲
池塘屢夢生春草林壑應懷種紫芝
夜月繞殘烏鵲樹春山啼老杜鵑枝
江頭爛熳梅花發把酒憐君惜別離

舟發金沙

風波渺渺雪漫漫千里揚帆意自安
漁父一蓑江上見剡溪雙棹畫中看
花融金帳歌喉暖月過柴門卧榻寒

明日洞庭開霽色買魚沽酒且追歡

遣子槃往華容族間種田寄安卿章士明

樽酒西郊慰遠還梅花春意正相關幽栖只好山林下
至樂無如畝畝間為說柴桑三徑在肯容莘野一犁閒
斯文更有殷勤祝炯炯明珠照二鬟

寄都昌胡君茂處士

東匯清川接翠巒故人茅屋此中安元龍湖海藏胸次
司馬江山繞筆端幾樹落花春送雨一簾飛瀑暮生寒

扁舟擬欲尋君去千里烟波路渺漫

湖口子槃家春別歸

兒女還家我謫官遠行容易別離難家分異舫方為別
淚滿征衣不忍看江漢烟波秋欲暮濫湖風雨曉初寒
小孫最是關情處頓足呼爺語更酸

南康阻風

兩日風濤阻客舟山城邂逅散離憂松枝趁市逢樵隱
蓬鬢攜家愧宦遊天際五峯仍耐老雲間雙劍欲橫秋

匡廬許我巢松去咫尺攀緣到上頭

白雪山

清夢悠悠繞故林書窓皎皎白雲深
法曹千里動歸思處士十年留野心
石硯晝封涵雨潤巖扉朝度帶松陰
何當勸盡杯中物副我還山舊日陰

釣艘

淇澳茅廬僅一間宛如乘棹竹溪灣
芙蓉秋水三千頃翠黛春風十二鬟
鳳管製來遺譜在漁竿歸去釣絲閒

湘濱已有沿洄約六逸清風信可攀

春

鶯轉聽來九藥好客陪歡處
罄樽開清烟晚樹深連竹
細雨春花亂點苔

奉寄王民凱

稻畦黃處樹青紅山色嵐光紫
翠通茅屋數間流水外
一絲何日對秋風

石倉歷代詩選卷二百八十四

欽定四庫全書

石倉歷代詩選卷二百八十五

明 曹學佺 編

明詩初集五

宋濂

雜詩

丹桃艷陽質移自武陵源
柔風拂纖條鮮澤沃靈根
吐葩當春茂結實俟秋蕃
盈盈大如掌有色極華丹
衛之

不敢褻期以奉君餐君餐發靈和神滋生玉顏無為升
玄化恭默即軒轅

又

竹死不變節蕙焚尚餘馨秉性有恒操埽物非至情左
崦結層構中園穿空冥井花遙上白嵐影時獻青築竈
試丹訣濡毫膳酒經一為纓笏累殊嗟神府局事去慮
將澹感來心已醒

又

周庭體王國漢制建神區環極法北辰玄英應羅圖綺
殿祥飈轉丹闕寶氣浮象魏壓輦道獸環銜金鋪宮花
錦隊展御柳翠鑿園長生臨宇縣億載握皇符琛贄九
夷集梯航百蠻輸天開睿情憚道洽臣節孚奉觴鵲
殿奏疏承明廬元功在獻替昌言列都俞殷勤宣大雅
持用補嘉謨

又

少年趨京洛京洛多繁華迅河日流駛崇芒鬱巍峩宛

馬游龍行文軒流水過晨夕騁般樂張筵陳綺羅觀袂
濯曾澗行酒上陽坡宛轉七盤舞紫環北里歌中有巖
棲士如同顏闔家尋雲因剪木飲竇却塞蘿時盼城闕
中流塵深如何自咤逸德殷頗典賢達嗟及時不行樂
長有好容華

韶光將暮芳事未經托物念時濡毫成句

入春已三月不見曜陽葩有足限戶闕而能塞物華芳
林僅咫尺憶車日來過縞李惑明雪頰桃疑崇霞焮開

通駑使暉媚促蠶銜要友具嘉游豈乏玉鼻騮鈎白出
川曲采綠向層阿行樂固云得將軍猶枕戈

憶山中

平生絕俗尚幽期在一壑銜卮周汜曲班坐蔭蘭薄日
嫣花欲笑風迅燕飛弱疏峯挺飛莖平楚下飢鶴厓傾
石似行澗折泉如約何時脫塵鞅賦歸躡稜屨

浩懷

漆園欲齊物伯陽期守玄脩軌務絕絆冲志在潛淵夕

陰冥蕙幌晨陽暖石田外膠一以遣澹泊返自然五圖
非謬記九齋有真詮青青林間雨勃勃谷竇烟松華行
將熟采之釀紅泉

靜室

靜室似僧廬絕與紅塵隔引雀喜留黍惜苔懶穿屐有
時倚幽軒情境一何寂只有巖花飛隨風亦無迹

又

明月出東山照見西林明龍蛇布滿地欲步還自驚試

問夜何具鳥喧似知更誰探千載意寂默乃其情

始衰

四時相推斥行年五十過觸心苦無怵况復值春華良
節足游衍逝齡翻歎嗟感眉拭花露按愁吟禽歌氣弱
怯颺風顏凋仰流霞倚林思寢裊躑坡企行車志士惜
隆景達人傷逝波寧不動靈襟潜然下涕多人生大化
中飄蕭風中花百年終變滅感慨欲如何

遣興

鶉衣皆惡顏章紱無醜容容顏未嘗異人心自不同西
鄰起高樓妖冶銜春穠玳筵陳圓方朝暮雜歌鐘東家
席為門著書述軒農豈能望膏梁糠覈亦不充一門軒
蓋集一門蝨罔空是非千載定奚恤達與窮

望鍾山作同周先輩

鍾山苑如沫綉巘孕春饒生黃蹄灌棠駭綠亂陵苔谷
沸桃雀集颺迴川景嬌茲今愧畜軫宿昔憶聯鑣陟峻
鼻生火酣芳臉帶潮詩情霞間迴酒纈望中銷偏憐晴

蘿思長麗涼月宵文園病渴吻沈生戒圍腰江表周公
子華采雙鳳翹逸興如邁舉相隨擷鞠苗

題方方壺畫鍾山隱居圖

飄飄方壺子本是仙者倫固多幻化術筆下生白雲白
雲縹緲間拔起青嶙峋似是朱湖洞笙鶴遙空聞豈無
許飛瓊烹芝喻華芬鍊師從何來面帶山水文相期守
規中結庵在雲村心游帝象先神棲太乙根我受上清
訣衛以龍虎君內涵玄命秘一氣中夜存行當去採藥

共入無窮門

答胡將軍

將軍去征蠻軍氣如鷹揚寶劍白玉璣
鍔馬青絲韁旌甲帶高月笳蕭激清商
韓彭當後拒褒鄂作前行顧盼多姿態
出入生容光奮迅東海濱海水為騰驤
定如漢貳師去縛樓蘭王想見凱旋時
橫梁賦篇章椎牛饗壯士歌之侑行觴
功勳名鼎鼐永世不能忘

贈劉俊民先輩

劉君卓犖士出自詩書胄眉目儼如畫幽花眩晴晝跟
躄忽來謁進退頗溫茂自言宅偃師家昔千金富大父
名法從累累印懸綬文辭補元化求者輒奔走繼此簪
纓餘矜莊事雕鏤無食不晃翠有衣總文繡蘭舟盟津
水蠟屐殺城岫或騎紫駟馬深林出從獸黃鬚少年兒
執矢列先後一發巧中肋驩聲溢郊囿狼兔懸寶鞍歸
來薦清酌燕姬白如雪時唱清角侑人意天上郎雌伏
不敢鳴一旦黃金盡其事乃大謬漁樵來爭席儻媵或

昂脰憤來氣屢絕十起九顛仆折節去讀書攻苦分句
讀初如蛇入筒漸類鵠脫殼把筆學為文衆色紛采就
又恐誤儒冠雜藝亦兼究雅琴辨宮商古文叅篆籀六
物推休祥八卦占文繇更叅九箴法俞穴別膚腠圍棋
與握槊賭勝欲起鬪不覺疾聲呼有若熊虎吼最便結
風舞唯恐技難售偶逢玳筵張肴核列飭餽酒酣兩耳
熱徐起整衿袖文鸞側鞞翎皓鶴仰褰噉躡節盻盤鼓
迴旋逐音奏雖得諸工憐不博兩眉皺使者天上來會

合誠辭若負書亟從之何翅杵投白三河及幽并無地
不馳驟登高或弔古感時更懷舊恨無息影所若沈疴
侍灸前年往龍漠氣序異常候八月雪即飛一夜三尺
厚今年度庾嶺熱氣甚蒸餽老梅雖未花缺幹倚雲瘦
欲俟喘息定陰厓聊宿留王虺長過竹矯首出嵌竇日
光夾明鏡鑠我汗如漚閉目但待噬有術不暇呪性命
鴻毛輕幾被山鬼蹂年來自懲創此險安可復俯思十
載間行事賤如畜徒然名悲辛寸祿焉能就即將巢雲

松終老友猿狖予聞心鼻酸宛若身在疲于時十月交
日月合龍虬霜風吹人急層衣悉穿漏百齡駒過隙胡
不重棲宿須知學踐形庶不慚載覆勺水當離尊贈詩
比糧糗歸歟勿久留吾言不兌又

寄方編修以愚并簡徐大年

方君足文史二十即決科州縣治繁劇史館仍編摩
湏知軒冕榮莫換山水癖釣清一川舟攬翠千峯屐豈徒
靡歲月且復註春秋書法嚴衮斧箋記分薰穡雖然落

江湖政自憶京輦雪盡馬蹄乾花簪貂帽淺十齡不能
見一旦忽竒逢楚澤蛟龍雨秦淮鷗鶚風紅燈夢未殘
明月家何處典衣沽酒別踏雪騎驢去匆匆千里意沈
沈三月餘可憐天邊鴈不帶山中書懷人隔秋水題詩
寫山石若見徐徵君須言共相憶

游仙篇贈鄧尊師

真人契玄冲翩翩冷風俱游行一氣中流耀周八區丹
崔銜白環來授寶秘圖內感炎靈方欲采三素腴鍊成

赤明液鬱華凝黍珠蒼龍為濯氣上玄來辟汗將期學
真侶度之升太虛自知滯塵凡何能應玄符頰聞琵琶
峯肉芝發瓊琴玉掌如嬰兒烈日暴不枯定當分刀圭
成此列仙儒

題李息齋竹

別駕聲名遠先生節行尊百年耆舊盡二老典刑存已
返遼城鶴難招楚客蒐人間留翰墨不獨重璵璠

題李廣利伐宛圖

貳師城頭沙浩浩貳師城下多白草
六十鐵騎隨將軍風勁馬鳴高
入雲師行千里不畏苦戰士難
教食黃土上書天子引兵還
使者持不逃玉關烏孫輸臺
善窺伺宛若不降輕漢使
璽書昨夜下敦煌太白高高正吐芒
戍甲重徵十八萬居延少年最
翹健殺氣漫漫日月昏邊塵
冉冉旌旗亂冰工決水未純流
旄竿已揭宛王頭執驅校尉青
狐裘北壯三千聚若丘惜哉五
原白日晚邽居水急游魂返

題段將軍征羗圖

西域都護多男兒，設羗校尉仍出師。
生羗八種來寇塞，白劍欲接雙龍飛。
瓦亭山上血漂杵，奢延澤中鬼應語。
至今有花皆成丹，疑是當年血未乾。

題花門將軍遊宴圖

花門將軍七尺長，廣頰穹鼻拳髮蒼。
身騎叱撥紫電光，射獵娑陵古塞傍。
一箭正中雙白狼，勇氣百倍世莫當。
胡天七月夜，雨霜寒沙莽。
莽障日黃先零酋，奴古點羗。

控弦鳴鏑時跳踉將軍怒甚烈火揚寶刀雙環新出房
麾却何翅驅牛羊平居不怯北風涼白氎為幄界翠行
銅龍壓脊雙角張綵絕亘空若虹翔將軍中坐據胡床
熾炭炙肉泣流漿革囊桐酒蒲萄香駝蹄斜割勸客嘗
趙女如花二八強皮帽新裁繫錦縷低把琵琶彈鳳凰
半酣出視駝馬場五花作隊滿澗岡但道驩樂殊未央

題李太白觀瀑布圖

長庚煜煜天之章精英下化為酒狂匡廬五老森開張

銀河萬丈掛石梁下馬傲睨立欲僵
聳肩袖手神揚揚憶昔開元朝上皇
宮中賜食七寶床淋漓醉墨蛟龍襄
人疑錦繡為肝腸麾斥力士如犬羊
營營青蠅集於房金鑿不復承龍光
并州可識郭汾陽不可丹陽逢永王
大風吹沙日為黃後倪哀啼聞夜郎
蒼天欲使詩道昌頓挫萬物歸奚囊
何處更覓延年方北海天師八尺長
芙蓉作冠雲為裳授以葢笈青琳瑯
蓬萊屹起瀛海洋羣仙遲汝相徊翔
誰將粉墨圖縑緗顧我一見心儀儀

詩成仰視天蒼茫夜半太白生寒芒

望僊引

橫塘風斷愁紅淺舊燕銜春春信滿鶴馭遙空不可攀
繡屐斜張香夢懶暖簫不到茱萸帳寶露空溥五雲盃
風前白鬢幾人悲萬里青蘋一時晚銅僊含淚辭青瑣
渺渺空嗟西日短弱川無力不勝航騎龍難到白雲鄉
玉棺琢成已三載欲葬神仙歸北邙

涼夜曲

紅爵綠疏回曉光翠眉雪肌凝白肪蟬衫麟帶結寶璫
吳絲蜀桐啼鳳凰監龍蘭鼎生煖香桃生豹枕展曲房
夫君不來涼夜長

陽翟新聲同朱定甫賦

別苑靡蕪弄小花平洲潁蔗開輕芽春風如水極搖蕩
流入天涯不識家網軒棲塵遠凝紙青鳥不來紅樹死
雄鷺雌鵲此日分惜殺嬌魂過遙渚隔蘆花影望微月
鷺橋似度龍綃馘條無忽有情奈何淚灑杜鵑枝上血

碧簫曲歇妝痕灰紅蜘蛛絲結鏡臺望極官河斜雨外
時時疑是翠車回

又

黃雀風長雨洗枝丹魚出水赤光肥遙天寥海絕行跡
翠減紅銷知為誰曲閣香凝龍氣暖膩葉蟠胸帶雲淺
正是雙蛾巧喚愁欲斷應憑胡燕剪滴淚和泥封錦書
書中一字一行啼莫恨鯉魚紅尾短隨波好送到遼西
感劔雞頭徒若沸紺房蓮子光細細折蓮寄遠被絲牽

舞鸞却識蓮中意

又

鎮帷犀重鮮室溫
白天碎碎玉花紛
窻開雲母不知夜
帳結流蘓散錦文
盈盈小妾被流黃
抱琴升樓發浩倡
銅龍漏極曙光動
驪絕竟忘寒夜長
祗恐愁紅向春死
不死應須探春髓
龍刀切紙印冰花
貼在九華頰
臂裏冉冉南光走
冷圭梅含春影與
雲齊青絲玉壺具
傾瀉井底生塵却解携

和王內翰見懷韻

帝德如天覆萬邦定期歸棹到龍江奇才不換金城百
寵命當簪白筆雙喜極欲持如意舞醉來應使軟輿扛
此情縱切何由遂吟對西南月滿窓

又

才名老去愜休官聖澤高深只自歡侍燕每容親繡袞
從遊偏許近和鑿久知珠贄來殊俗漸喜寰區洽治安
惟有張騫猶未返玉關秋早節毛寒

和鄭博士見贈韻

秋霜染得鬢成絲，
祗為烟霞勞夢思。
誰料杜陵垂白後，
得同鄭老合襟期。
荷衣荇帶煩新製，
澗草巖花逞故知。
便欲從君同點筆，
歸裁冰繭寫成詩。

走筆送金賢良

飄零已覺二毛侵，
且向西風問苦吟。
蛋雨蠻烟十年夢，
龍韜豹畧一生心。
星垂鍾阜知天近，
水入秦淮似海深。
不是秋帆連夜發，
典衣呼酒共登臨。

思春辭

美人別我城南去，幾見樓頭涼月生。
南浦沈書尋素鯉，東風將恨與新鶯。
丁香枝上同心結，九曲燈前白髮明。
花託芳魂隨鵲夢，草移愁色上簾旌。
物華半老燕脂苑，春影輕籠翡翠城。
歌扇但疑遮月面，舞衫猶記倚雲箏。
因彈別鶴心如剪，為妬文鴛繡懶成。
宮燭不啼偏有淚，湘桃無語自多情。
岩南樹密烏集，江北潮回暮渚平。
幸有夢中能聚首，喚醒愁殺短簫聲。

和鄭奉常先生讌集詩韻

我生空負月臨奎文學何曾遂昔期
柳子未成非國語匡衡徒患作人師
探珠赤水欣同調結屋青蘿得所依
泉石要為中世托姓名那料九重知
東西御饌嘗分賜出入天門更不疑
虎籞霜嚴威閃閃龍樓日轉影祁祁
年華自覺隨流水造化誰言類小兒
別夢屢形分講席歸田一似舊遊時
常隨采葢衣霑霧幾度尋花屨帶泥
投老幸知同臭味此生端不慕輕肥
芳筵夜秩括行數

絳燭春融客醉遲
一代耆英都在坐
百年文獻欲還誰
獨憐鄴下支離叟
莫鬪長安絕妙辭
賴有西風吹酒醒
搔頭向月謾賡詩

和蘓編修游東明山詩

東明勝概實佳哉
圖畫天然八面開
雲影入簾紛似絮
嵐光染袂綠於苔
學書猶憶臨池寫
采藥曾經帶雨栽
祇為魚龍期變化
致令猿鶴互驚猜
數莖白髮雖侵鏡
百鍊丹心不作灰
中使傳宣承顧問
東朝進講每低徊

月移禁掖藏書署花壓瀛洲視草臺
豈意衰齡霑異渥茲因勝賞得重陪
丁寧杉桂無竒句約束溪山屬駿才
倚杖指林尋故跡賜衣沾雨借新焙
名編述玩叢如筍嘉卉當筵粲若杯
松鼠沿窻行且偃山禽窺客去仍來
但知笑齒時頻啟何事愁腸日九回
寄語山靈休厭我有花休待作詩催

和劉先輩憶山中韻

憶昔山中鍊九陽山頭旭日正蒼涼
鳳笙吹暖雲中火

龍藥凝成鼎內霜，靈戶啟扇森虎籟。中房持戟混桃康，
山分秋色侵玄牝。螭學天書篆敗墻，五鳥花開呼鹿守。
千齡桃熟遮僊嘗，伐毛定欲追秦女。歌鳳誰能笑楚狂，
種得神瓜如盎大。呼來瘦鶴似人長，樓延虛顥殊庭上。
樹蝕蒼霞曲瀨傍，劍氣尚堪吞鬼伯。詩魂端合起糴郎，
但求脫粟三升飯。肯負眠雲六尺床，洞雪成漿烹日鑄。
海苔為紙寫風將，舉頭便覺三山近。小大俱冥百慮忘。

題送別圖

台星一點照閩關
驛舍春濃酒易乾
官柳似知離別意
故將金縷拂雕鞍

題隱居圖

樓臺倒影浸虛泓
嘉樹擎寒不盡青
何日過橋分半景
傍雲同築草玄亭

題長白山居圖

滿地雲林稱隱居
燕泥汗我讀殘書
五更風急鳥聲散
時有隔花來賣魚

宜興強如心避地而歸扁其居曰復初齋來徵

余詩

昔日攬槍照五兵今時喜見泰堦平
春風綠酒扶殘醉斜立官橋聽早鶯

送葉明府之官郟縣

文章才子之官去見說郟筒酒正濃
飲罷細觀循吏傳莫緣山色憶芙蓉

石倉歷代詩選卷二百八十五

欽定四庫全書

石倉歷代詩選卷二百八十六

明 曹學佺 編

明詩初集六

劉基

艾如張

有苑者林衆鳥萃之我欲張羅榛楛翳之既礪我斧又
飭我徒孰是奧穢而不剪除爰升于墟以相乃麓有條

我網載秩我目有鳥有鳥五采其章嘒嘒喈喈率彼高
岡張之弗獲憂心且傷寤寐懷思曷云能忘有鳥五采
亦既來止昭其德音以相君子君子豈弟其儀是若艾
其張矣云胡不樂

少年行

駿馬狐白裘玉勒黃金羈賓從如浮雲顧盼生光輝朝
驅紫陌塵暮醉青樓姬但見花月好寧知霜雪飛荏苒
世途異淒涼瑤草衰園田皆易主親友盡睽違學書時

既晚躬稼力已微歲晏寒風生倚牆聽鄰機逝水不可
挽枯蓬安所依佇立為爾歎感我淚霑衣

昔昔鹽

楊柳正萋萋門前碧草齊別離如昨日白髮滿春閨飄
花如淚落行雲逐望迷綠苔凝履迹粉汗浥書題夢到
龍沙北魂銷馬邑西卷簾雙燕入開鏡一鶯啼腸共吳
江繞眉將楚岫低攀枝憐並蒂窺沼妬雙栖躍水寧無
劍通天亦有犀那看明月夜登樓感馬蹄

望武夷山

飲馬九曲溪，遙望武夷峯。
長林抱迴合，丹崖造空濛。
浮暉湛寒翠，水木皆曼容。
薄遊限塵務，促景尼奇蹤。
緬懷紫陽子，千載誰與同。
瓊佩邈烟霧，石函闕遺封。
羈猿怨幽澗，飛蘿冒芳叢。
瑤琴空流泉，桂枝徒秋風。
悵望佳期阻，纏綿憂思重。
殷勤尺素書，願寄雲間鴻。

早發建寧至興田驛

雞鳴戒晨裝，上馬見初日。
露泣葉尚俯，霧重山未出。
客

途得霽景緩步非縱佚矧茲歲有秋高下俱頽粟牛羊
散原野鶩鴨滿阡陌懷抱既夷曠神情自清謐寒花蔓
籬落候虫響蒙密霞標青楓林霜綻烏柏實幽覽雖云
遽佳趣領已悉我行固無期况乃塵事畢

從軍詩送高則誠南征

清晨絕長江日夕次海濱北風吹旆旌軍動速若神令
嚴戎馬閒九陌無驚塵伐鼓震溟嶠揚帆役鮫人鯨鱗
京觀築鱗醢華筵春啣啣布穀鳴祁祁農鳴春去子還

故鄉悲喜集里鄰荷鋪啓瓦礫再荷天地仁撫綏屬有
望世世為堯民

春谷詩為竺西和尚賦

條風自東來雪消春谷暖荒畦碧草葺清池細泉緩雜
花明錦繡時禽響絃筦道人閒無事習慣牛頭懶過橋
禪杖落坐石袈裟袒日暮精舍歸燈龕白雲滿

晚同方舟上人登師子巖作

落日下前峯輕烟生遠林雲霞媚餘姿松栢淡清陰振

策縱幽步披榛陟層岑
槿花籬上明莎雞草間
吟涼風自西來颼颼吹
我襟榮華能幾時搖落
方自今逝川無停波急
絃有衰音顧瞻望四方
悵然愁思深

雨中雜詩

首夏涼風生朝樹結晚
色濛濛細雨交慘慘原
野黑衝門長藜莠壞壁
穿荆棘念彼征戍兒沾
濡荷戈戟囊橐罄留貲
藿菽難充食供輸既乏
絕戰鬪何時息巢居者
誰子竄竄延畧刻田疇
沒蓬蒿無處勤爾力旻
天高寥

寥仰視不可極

感懷

驅車出門去四顧不見人
回風卷落葉颯颯帶沙塵
平原曠千里莽莽盡荆榛
繁華能幾何憔悴及茲晨
所以芳桂枝不爭桃李春
雲林耿幽獨霜雪空相親

其二

槁葉寒撼撼羅帳秋風生
淒淒候虫鳴啾啾賓鴻驚
美人抱瑤瑟仰視河漢明
絲桐豈殊音古調非今聲
沈思

空幽寂歲月已徂征

發龍游

微颺獻輕涼客車中夜發秋原曠無際馬首掛高月草
虫自宮商葉露光可撥狹徑非我由周行直如髮揚鞭
望南天晴霞絢閩越

六月十八日自天章入城作

天淨山氣涼溪渾夜來雨籃輿度踈翠初日照平楚高
林半長烟好鳥時自語煩襟得蕭散似欲忘羈旅何當

盜賊息比屋豐禾黍逍遙丘壑間庶幾以為伍

楚妃歎

江漢揚波六千里上有巫山矗天起錦衾一夕夢行雲
萬戶千門冷如水聞道秦兵下武關君王留連猶未還
山深不見章臺殿汨羅冤淚空潺湲尚憶前王好馳逐
宮中美人不食肉回狂作哲須臾間至今相業歸孫叔
楚宮無復如昔人况有神女如花新悲來恨新還憶故
誰能斷却巫山路

王昭君

漢庭不賞邀功士昭君却向胡中死昭君辭漢入胡中
胡女悲愁漢嬪喜含情欲怨當語誰手彈琵琶淚沾衣
掖庭望幸從此絕巫山有路他生歸殷勤說與上林雁
好在明年再相見漢恩如海長自深妾自生來命如綫
堪嗟上策重和親欲倚紅顏清塞塵只恐妾身先草露
漢宮無復如花人

邯鄲才人嫁為厮養卒婦

邯鄲有才人艷色如朝霞嫁作廝養婦雲髮埋泥沙憶
昔趙王金盛日夜夜綺筵張寶瑟中山美酒盈羽觴一
笑黃金滿千鎰繁華過眼如轉蓬故宮禾黍秋茫茫明
珠白璧走函谷墜簪遺珥空悲風人生最苦是衰老白
首無歸向誰道葦門夜永月光寒卧聽駑駘齷枯草

長安道

長安道送盡芳菲到枯槁人生盛衰苦不常何異長安
道傍草漢家將軍初拜官門前上客車班班一朝勢衰

烟燄歇車輪無聲馬蹄絕
明朝有詔封冠軍依舊車馬
來如雲

陽春歌

帝車東指淑景昭冶容冉冉生
寒條枯根相顧一時起
陽春只在霜雪裏枝頭候禽鳴
滑滑暖烟日夜催花發
蜂喧蝶競方及時風雨夙成離
披人間但見陽春好
未識陽春有枯槁

折楊柳

去年送君楊柳青暖風晴日花冥冥今日思君鎖牕綠
柳條又綴黃金粟君心却似條上花隨風飄蕩不思家
妾心已作科上槁縱得春光為誰好折取長條寄遠人
人生四十無青春

古鏡詞

百鍊青銅曾照膽千年土蝕萍花靨想得玄宮初閉時
金精夜哭黃鳥悲魚燈引魂開地府夜夜晶光射幽戶
盤龍隱見自有神物豈肯長湮淪願借蟾蜍騎入月

將與嫦娥照華髮

畦桑詞

編竹為籬更栽刺高門大寫畦桑字縣官要備六事忙
村村巷巷催畦桑畦桑有增不可減准備上司來計點
新官下馬舊官行牌上却改新官名君不見古人樹桑
在墻下五十衣帛無凍者今日路傍桑滿畦茅屋苦寒
中夜啼

為祝彥中題山水圖

高軒玲瓏不受暑半幅輕綃宿烟雨白屋素壁生空明
似聞水聲繞庭宇松髯拂天藤蔓垂枯根瘦石相因依
寒濤不驚虎兕卧嵐翠欲與蛟虬飛空江悠悠一漁艇
水白沙明羣魚靜武陵桃花何處尋落日微風片帆影

賞資深華山圖歌

華嶽插天七千丈丹崖翠壁開仙掌壁間擘出黃河流
大禹以之分九州河流滾滾赴溟漲華嶽拔出天河上
雲宮霧窟疑本無石室金臺儼相向玉泉高通玉井津

中有蓮實如車輪世人肉食未羽化可望不得聊相親
高堂晚晴圖畫展眼明一見心目遠世間塵土今紛紛
吾當拂衣卧山雲

題陸放翁賣花叟詩後

君不見會稽山陰賣花叟賣花得錢即沽酒東方日出
照紫陌此叟已作醉鄉客破屋含星席作門濕螢生竈
花滿園五更風顛雨聲惡不憂屋倒憂花落賣花叟但
願四海無塵沙有人賣酒仍賣花

題湘湖圖

君山洞庭隔江水彭蠡無風波浪起
明牕曉晴圖畫開興入湘湖三百里
浙江兩岸山縱橫湘湖碧繞越王城
越王城荒陵谷在古樹落日長烟平
遊子天寒孤棹遠七十二谿飛雪滿
浩歌不見濯纓人沙鶴野猿相對晚
湖東雲氣通蓬萊我欲從之歸去來
蛟鼉塞川陸有虎兩臂無翼令心哀

雙桐生空井

雙桐生空井井空桐葉稀葉稀不自蔽鳳鳥將安歸雙
桐生空井井泥泉不出桐根日夜枯何由伐琴瑟

感懷

東園多桃李擢幹何交加春秋互遞代衰榮競相夸
撼去故物英英發新花花謝葉復作空令人歎嗟

晨詣祥符寺

上馬雞始鳴入寺鐘未歇草際起微風林端淡斜月僧
房湛幽寂假寐待明發松徑斷無人經聲在清樾

發安仁驛

雞鳴發山驛
天黑路彌險
烟樹出猿聲
風枝落螢點
江秋氣轉炎
帝濕雲難斂
佇立山雨來
客愁紛冉冉

題春江送別圖

春江水悠悠
行人上蘭舟
春雲散江樹
行人重回顧
嘉會未有期
離心渺千里
願作還山雲
莫作東流水

雜感

疇窮傷往事
晚暮悔前非
流光不相待
逝川那可追
佳

期隔河漢日夕千里思鴻雁西北來安能從之飛行立
望明月天霜夜沾衣

過南望時守閘不得行

客路三千里舟行二月餘壯顏隨日減衰髮受風踈蔓
草須句國浮雲少吳墟愁心如汶水蕩漾遠青徐

稽句嶺

白日隱巖壑千崖氣勢豪溪流嫠女澗山入少微高危
石天歎側長風谷怒號干戈方自此行役敢辭勞

不寐

不寐月當戶起行風滿天山
河青靄裏刁斗白雲邊
避世慚商綺匡時愧魯連
徘徊懷往事惻愴感衰年

秋興

天淨山月出水寒沙鳥鳴孤燈
秋後思短笛夜深情江
海空衰髮乾坤未弭兵
清都隔河漢訶禁有開明

宛轉歌

星稀月白河欄干
飢虫顛號莎草寒
美人望月歌宛轉

瀟湘水碧蒼梧遠愁魂一夜不得歸化作斷雲天際飛
東飛伯勞歌

南飛鷓鴣北飛鷓鴣黃昏雞鳴白日燭珊瑚石上栽鬼絲
鴛鴦獨宿孤桑枝永夜涼蟬入羅幕蟬翼不如秋鬢薄
寒塘露蓮千葉紅可憐零落空隨風

秋宵吟

玄蟬催秋入湘簾芙蓉露浴臘暗淡銅烏吻水添夜長
碧草歛愁歸寒蟬羅帳無人五更雨梧桐驚啼白楊語

春光爛熳不得知
霜露淒涼奈何汝

鳴雁行

嗷嗷鳴雁鳴達旦
舉翼相連拂雲漢
平原漠漠生野烟
雁飛只向江南天
江南十月多禾黍
一半輸官半供汝
明年二月歸養雛
雛成又望江南去

獨不見

暖烟漾春林色
紫膩雨催紅出花
藥蝶飛撩亂
燕飛輕
嚶鳴相應俱有情
有人抱瑟上高閣
坐對粧臺彈別鶴

曲終顧影還徘徊東風自吹羅帳開

棗下何纂纂行

棗初作花時纂纂臨路歧八月棗成實累累曜朝日棗
花纂纂蜂蝶翻棗實累累人滿園嚴風蕭瑟枯葉飛蜂
蝶不來人亦稀

蛺蝶行

軟芳晞露春鮮妍上有蛺蝶飛翩翩暖風扶暝撲天起
翠重紅輕迷欲死東園無花留不住相隨又過西園去

沈沈斷夢失韓憑却把霜華怨秋曙

班婕妤

昭陽清秋月如練笙歌嘈嘈夜開宴長信宮中辭輦人
獨倚西風詠紈扇傾城自古有褒姒紅顏失寵何須怨
泠泠玉漏掩重門一點銀缸照書卷

題松下道士攜琴圖

道士抱琴松下行松風入耳清涼生石渠苔滑不可上
潭水泠泠學琴响琴有意兮水無心水中有龍能聽琴

琴聲淒斷水流咽
月滿空山落松雪

題寒林圖

搖落江邊秋樹林
淒涼久客二毛侵
藤蘿歲晚龍蛇死
叢薄天寒虎豹深
流水斜陽人遠近
青烟白草雁飛沈
桂花自在山中發
悵望西風起夕陰

妙成觀用何逸林通判舊韻

我訪仙家溽暑前
青楓綠柳暗晴川
竹根露濕登山屐
沙際鷗迎渡水船
雲氣長流虛白室
丹光直上蔚藍天

純陽道士重來日為問蓬萊是那邊

立冬日作

忽見堯花出小紅因驚十月起溫風歲功不得歸顛頊
冬今何堪付祝融未有星辰能好雨轉添雲氣漫成虹
蝦蟆蚨蝶偏如意旦夕悲鳴白露叢

丙申歲十月還鄉作

手種庭前安石榴開花結子到深秋可憐枝葉從人折
尚有根株為客留枳枸悲風吹白日若華高影隔青丘

壞垣蟋蟀知離恨
長夜淒涼弔獨愁

早春遣懷

正月餘寒未放春
漫空飛雪舞隨人
新年對客情何恨
濁酒于予意獨親
澗底流泉渾似玉
門前細草總成茵
鶴歸自愛山能靜
豹隱方知霧有神

題墨竹

蒼梧山下無窮竹
盡是湘妃淚種成
烟雨不銷千古恨
珮環虛度九秋聲
見愁收豎乘時伐
可待伶倫學鳳鳴

獨立淒涼對圖畫為君惆悵一沾纓

漫興二首

風散螢光夜未分
隔牕涼雨落紛紛
秋衾不與還鄉夢
征雁南來獨自聞

多事池邊促織兒
聲聲哀怨旅魂知
干戈滿地無機杼
長夜辛勤說與誰

送醫士賈思誠還浙東

西風嫋嫋水鱗鱗
一曲離歌淚滿巾
殘柳數株鷗數點

夕陽江上送歸人

夜坐

露泣寒螿吟斷魂
風驚簷鐸語黃昏
羈愁悄悄成危坐
看盡空牆上月痕

其二

虫響莓苔葉響廊
月光如雪露如霜
銅壺管領催華髮
一夜應愁百刻長

雪後遣興

朝寒布穀應時鳴起向迴廊獨自行殘雪未消簷影寂
滿庭幽草看春生

絕句

暖風吹帳日光遲恰似清和四月時黃鳥不知人懶起
未明啼上綠楊枝

楊柳枝詞三首

多事垂楊管送迎長條折盡短條生不知幾許東風裏
猶帶輕烟冒晚晴

漢將營中萬樹春
朱旗曉色動星辰
可憐烟雨章臺路
翠縷斜縈走馬塵

楊葉萋萋隱畫樓
楊枝嫋嫋弄輕柔
鳴鳩叫罷黃鶯語
肯信年華有素秋

石倉歷代詩選卷二百八十六

欽定四庫全書

石倉歷代詩選卷二百八十七

明 曹學佺 編

明詩初集七

袁凱

雨雪

雨雪雨雪淒風如刀我行中野而無繻袍我寒我飢誰
復我知四無人聲但聞熊羆熊羆欲攫我熊羆欲奪我我自

棹棹進退不可進固難矣退亦安止還望舊鄉遠隔江
海江波湯湯海波洋洋我思我鄉死也可忘

自揚子舍舟步入常熟縣

水行已兼旬舟楫苦馳逐晨昏侶鮫鱷出入同雁鴛黑
風無終竟白浪仍反覆鏗鏘絕天樞崩泮折地軸旋淵
屢傾墜利石時抵觸淪喪固非遠哀籲寧辭黷皇天實
陰隲茲辰遂平陸神魂息漂蕩手足散頑木徒侶紛來
慶酒斝及奴僕况茲春氣和百草回新綠山桃亦多花

委蛇自相屬粉榆已在邇曠隔無再宿從茲謝奔走且
飯東臯粟

書北山精舍壁

夙昔慕幽曠中年值奔走及茲始知返顧已成皓首茲
為山水選風氣固深厚岑崿皆巖崿綿邈盡林藪清泉
瀉幽磴白雪被層阜既多緇素流况有耕釣叟初心已
云協雅言得兼受始來踈梅墮復此山櫻剖庶幾去日
遲誰謂行當久揮手謝朋侶吾將寄衰朽

久旱雨後行園

旱雲不可沮丘園生意窮
旨蓄已無遺何以御吾冬
昊天無終極玄化沛神功
密雲興四郊飛雨蔽遙空
涸池既堪蕩長溝復淙滾
衰茄盡回紫穠實高垂虹
堤柳更薄陰汀花還短叢
荒隴愛登陟平林望青葱
即此已愉悅固知慰疲農
愧無詩人德何由歌屢豐

題東齋壁

林廬寄幽曠墟落但烟霏
澤葵依廢井秋瓜生故籬
左

右皆鹿場水鳥終夜飛我來歲云久似與世相違讀書
不聞道聊復自娛嬉濁酒雖不多酌之亦忘饑仲父雖
云仁樹塞猶見非小人固有分儉陋乃其宜原思坐鳴
琴允也百世師

茅宇

丘中有茅宇賤子所自治東西貯筐釜中堂誦書詩雞
豚各有家蒲荷亦有池農器更相貸種樹及時為朝出
在田中日暮還此歸鄰里相往來春醪亦共揮老夫年

既邁筋力固當衰厚祿非所慕好爵不願縻但願衡門
下長無寒與饑

懷廣西省朱郎中熙

洞庭秋色晏蒼梧雲氣深夫君萬里去山水迫沈沈竟
日臨浩渺連天逃崎崿窰鼉遊近渚猿狖戲遙林荏苒
杜若香蕭條楓樹陰皇朝重茲土遠氓方致琛而我將
何念歲暮獨離心離心一何極日夕遲徽音衡陽雁不
到搔首更沈吟

公署夜坐

吏散車馬休，月色東城上。
歛衣高堂坐，重門靜無響。
文奏屏在篋，朱墨委虛幌。
簷影動參差，霜影孤蕩漾。
耳目幸無役，心意多遐想。
園廬日應敞，蘿蔦春還長。
况茲綱紀地，王事方鞅掌。
安得春江棹，東原歸偃仰。

下直懷北山隱者

載筆侍雲陛，向夕始餘閒。
撫彼清泠觴，慰此憂戚顏。
出軒月纔皓，臨街露已繁。
廣庭行且止，修檻去復攀。
歸來

空房卧巖城漏欲殘鴉鳴九井動劔佩亦珊珊將隨夔
龍後祇肅謁重關緬懷息心侶遺世在雲山馬能從之
去逍遙巖桂間

京師歸別業

郊園草已徧雜卉駐餘春遊絲牽木杪孤鶯鳴水竇羈
人懷舊居日夕自傷神遙遙千里途豈復念苦辛欣然
入場圃兒女各來親當軒釋負擔拂去衣裳塵老夫行
役久歸來志復伸陶潛愛清風張生思故尊援筆為此

詩示我鄰里人

偕友人早出郊

離羣寡游豫得朋殊繾綣相將度春水散漫入芳甸班
荆烟乍斂摘花露猶泫林鶯坐未出沙鳥飛還見遙山
浮空翠晴雲曳輕練一聽野人言復起滄洲願

步出西郊

步出城西門春岸多流水嚶嚶沙雁去曳曳江雲起居
民亦何事南畝將耘耔提攜沙汀際吳語烟霧裏自予

離兵燹廿載勞轉徙歸來展遊眺泫然懷我里餘年幸
有待崔管終可理

與倪元鎮飲得江上雨

霖霖飄無際凭欄千里陰芳田霑泥清波望沈沈楚
客帆已重吳宮樹轉深歸鴻無肅羽別渚有哀吟君知
此時意寧識故園心

古意

翩翩為學士冠帶自成羣朝去暮來歸終歲常辛勤盈

盈發春葩煜煜競芳晨
飄風儵然來零落成埃塵
黃鵠游四海日暮集崑崙
願言息爾駕還居守蓬門

其二

蓐食出門去惓惓踐嚴霜
問子將何之千里赴洛陽
洛陽有劇孟任俠世稱強
我願從之遊氣勢相頡頏
路逢二子被服儒衣裳
少長各有禮講誦麋鹿場
中心忽愛慕與彼遂相忘

其三

白日生東海倏忽墮崦嵫皓月方滿盈斯湏亦已虧淮
陰有奇功赫赫在一時焉知束縛去還為兒女欺天道
每如此人事安足悲獨羨鴟夷子輕舟去江湄

其四

李斯遊洛陽名遂身亦危一人具五刑于古豈有之呼
兒語黃犬相顧涕交頤斯時夏黃公商山方採芝

銅雀妓

流塵拂還集振構儼然陳歌吹自朝暮君王寧復聞松

栢有時摧妾非百年人願為陵上土歲久得相親

淮安道中

花明野館靜樹暗流鶯語行雲千里來凌亂傷心緒傷
心復何事家在江南渚日暮莫回顧脉脉江南雨

池上

秋池行樂去池樹色已暝露下夕夜涼月上風簾靜饑
禽墮踈竹鳴蛩出深井夜久人事息蕭然諸念屏

席上懷吳善卿

金匱山房詩集卷一百八十七
荒城下餘照高樹留殘雨林靜微花落梁空孤燕語美
人事征討日夕嚴虎旅接袂竟何由持杯望烟渚

詠池上芭蕉

亭亭虛心植冉冉繁陰布既掩猗蘭砌還覆莓苔路卷
舒今自知榮衰隨所寓默契方在茲臨軒挹清醕

柳堤

柔桑被晴莎密陰覆芳杜委蛇起沙際寂寞連水滸鷗
眠雨未歇鶯叫烟初曙還將竹竿去從爾釣春渚

送李高士歸荊州

南京高宴罷西土遂言歸江路猶殘雨荊門正落暉蓬
生仲蔚宅秋入老萊衣明日思君處蕭條鴻雁飛

馬氏西園宴別吳進士善卿

竹陰連水屋荷氣集池臺南國佳人在西園高宴開好
風因樹起新月度河來別後江潭上離腸日九迴

客中除夜

今夕為何夕他鄉說故鄉看人兒女大為客歲年長戎

金少曰卷之二
卷二百八十七
馬無休歇關山正渺茫一杯竹葉酒未敵淚千行

泗洲書懷

白髮三吳客清秋泗水邊
宦途隨野馬歸夢逐風鳶
酒盡尋僧舍書來問客船
淮南與淮北漂泊過年年

自京師歸別墅

春園含薄霧野水散輕陰
落絮隨風遠啼鶯坐樹深
旅懷方自遣幽意待人吟
獨少揚雄客時時載酒尋

送張七西上

楚客舟航小吳門
雨雪繁兵戈方浩蕩
江海失攀援濁酒
非能醉深交不易言
明朝空寂寞獨憶
故人園

遠客

野客頻經雨深林
獨閉門故人俱落魄
稚子共朝昏城郭
無歸路江湖有斷魂
夜寒燈焰短嗚咽
對殘樽

賦陶與權雲所

斯人肥遯士高卧
亦無心野樹留餘潤
春花覆遠陰近牀
衣欲冷拂石坐還
深為問陶弘景何
如隴上吟

春園

春園江水上江霧日昏昏沙暖常垂釣花深不閉門小
童鋤隴麥野客共盤飧衰老仍耽酒經年懶出門

登浦上閣

高閣春波上登臨獨愴然故鄉從此去久客未言還花
好誰家屋帆輕異郡船朝來有微雨應灑郭西田

寓所寄何彥明

門倚秋沙白牕含野樹黃稍能親雁鷺已覺遠豺狼舊

髮從渠短新詩頗自長何郎最知我酒熟定能將

遊會稽山

山實揚州鎮人逾浙水來禹功懸白日秦刻卧蒼苔龍
起梅梁去神遊石洞開明朝有餘興更上越王臺

江口有懷野人錢衮

處處無歸路悠悠且逝波渚花風外少江樹雨中多吹
笛蛟龍聽開牕鶴鶴過高人春渚畔頭白共蹉跎

楊白花

楊白花飛入深宮裏
宛轉房櫳間
誰能復禁爾
胡為高飛渡江水
江水在天涯
楊花去不歸
安得楊花作楊樹
種向深宮飛不去

聞笛

花發吳松江上村
隔花吹笛正黃昏
風塵遠道歸何日
燈火高樓合斷魂
夜靜幾家無別淚
雨聲終日過閒門
天邊楊柳今無數
短葉長條非故園

望南村

南村烟樹接蒹葭，白鷺翩翩滿白沙。此地遂成茅屋計，
何人更識老夫家。即從斷隴行分竹，便接平臯樹雜花。
戎馬紛紛終未已，託身無計獨長嗟。

池上書懷

野水寒冰上曲池，薄雲斜日下踈籬。黃蒿處處迷歸路，
滄海年年少故知。北望朝廷非昔日，東來兒女更依誰。
老年拄杖渾無力，兀坐長吟不救飢。

京師歸至丹陽逢侯生大醉

白下西風吹夜涼五湖秋草動微霜千家砧杵初淩亂
獨客關山正渺茫歸去定應殘臘盡飄零猶幸此身強
丹陽郭裏盈樽酒且為侯芭發醉狂

賦黃漁村

澤國西風霜樹多蕭條茅屋倚江波家人酒饌兼蝦菜
野老衣裳雜芰荷東海任公時問信滄浪孺子自成歌
白鷗亦有忘機意清影相看奈爾何

舟次上海縣

海上驚風唳鶴稀，千村霜雪自霏霏。
清砧自是逢秋起，白骨何由遠道歸。
草木不生離亂地，江山終屬帝王畿。
自憐此日身將老，况復中宵淚滿衣。

海上書懷

十年不見鸛鷺軍，千里猶殘犬鼠羣。
涕淚每從天際落，檄書誰道日邊聞。
荆蠻戰克心猶忍，淮寇平來地已分。
莫怪腐儒東海上，時時哀怨動秋雲。

寓所

草閣閒庭春水邊
雨蒲風柳自紛然
鄰翁對客還爭席
水鳥依人欲上船
西北朝廷無使節
東南城郭有烽烟
老夫避地非游說
正少蘇家二頃田

久雨後寓所

荒村處處聞流水
草閣時時自掩扉
庭樹葉深沙鳥隱
紫藤花退蜜蜂稀
已將書劒消長夏
更有漁舟送落暉
天意未教我馬息
老夫漂泊敢言歸

登愍忠閣

唐家高閣古城隈
遠客登臨宿霧開
諸帝園陵俱寂寞
三韓魂魄尚歸來
西山雲氣空中度
東海潮音地底迴
聞說關河有戎馬
故園南望思悲哉

白燕

故國飄零事已非
舊時王謝見應稀
月明湘水初無影
雪滿梁園尚未歸
柳絮池塘香入夢
梨花庭院冷侵衣
趙家姊妹多相忌
莫向昭陽殿裏飛

寄家書

白髮時時異青山處處同人行千里外書到五湖東

新柳

淺色初含雨輕陰未過池黃昏畫樓畔最是斷腸時

馬益之邀陳子山應奉秦景容縣尹江上看花

二公作竹枝歌余亦作

松江水碧碧如天水上行人坐畫船記得吳兒竹枝調
為君高唱百花前

送鄭老歸襄陽二首

春風回首古檀溪老子茅茨漢水西鳳凰臺上還相憶
烟浪無窮碧樹低

我愛襄陽老鄭虔高樓吹笛動秋烟他時若有平安信
即寄江東估客船

南京口號

放牛歸馬淨塵埃地北天南道路開火雞馴象時時貢
不數周家白雉來

淮西夜坐

金少四卷之三言
卷二百八十七
瀟瀟風雨滿關河酒盡西樓聽雁過莫怪行人頭白盡
異鄉秋色不勝多

題龍江酒家

江上青帘映白沙壚頭美酒玉無瑕李白當年曾醉此
桃花落盡不思家

客中夜坐

落葉瀟瀟江水長故園歸路更微茫一聲新雁三更雨
何處行人不斷腸



石倉歷代詩選卷二百八十七